



Republika e Kosovës
Republika Kosova
Republic of Kosovo



Komuna e Vitisë
Opstina Vitina
Municipality of Viti/na

PROCESVERBAL I MBLEDHJES SË NËNTË TË RREGULLT TË KUVENDIT TË KOMUNËS SË VITISË

Mbledhjen e ftoi dhe e kryesoi z.Naim Pira, kryesues i Kuvendit të Komunës së Vitisë. Mbledhja është mbajtur më **30.10.2019, (e Mërkurë)**, në Biblioteken në Shtëpinë e Kulturës “Gursel dhe Bajram Sylejmani”, duke filluar me punë në ora 10h. mbledhje morën pjesë: Nënkryetari z.Hasan Aliu, kryesuesi i Kuvendit, z.Naim Pira, si dhe këshilltarët e Kuvendit: Basri Sylejmani, Zejnepe Osmani, Valbona Haziri, Ramadan Deliu, Ali Bajrami, Xhilsime Qamili, Nuredin Lutfiu, Taibe Ibrahim, Zekirja Zuka, Nijazi Isaku, Jakup Demiri, Sejdi Emini, Mirlinda Sadiku, Liridona Bislimi, Bekim Azizi, Taulant Haxhiu, Blerina Lubishtani, Samet Idrizi, Idajete Pira, Avdi Rexhepi, Ekrem Abazi, Valentina Hasani, Vehbi Rama, Rasim Terziqi, Besim Ymeri, ndërsa mungoj Remzi Salihu. Në mbledhje morën pjesë edhe drejtorët e drejtorive, përfaqësuesi i OSBE-së, mjetet elektronike.

Pasi u konstatua se prezent janë 26 anëtarë të KK-së, kryesuesi i Kuvendit e shpalli të hapur mbledhjen.

Kryesuesi z.Naim Pira: Mirëdita dhe mirë se keni ardhur në seancën e nëntë të rregullt të Kuvendit Komunal të Vitisë! Me lejoni të ju përshëndesë të gjithë të pranishmit, në mbledhjen e fundit të KPF-së me kane kërkuar disa informacione rreth shpenzimeve që i ka bërë kuvendi Komunal unë ju kam përgatitur informatën dhe tani po ju dorëzoj, tani kalojmë te pyetjet jashtë rendit të ditës.

znj.Mirlinda Sadiku: Përshëndetje të nderuar të pranishëm! Kame pyetje për ekzekutivin, për drejtorin e Urbanizmit, nëse nuk gaboj në seancën e muajit Mars 2018 është aprovu, ju ka dhënë leje nga Kuvendi Komunal i Vitisë që të fillohet me planin zhvillimor komunal, aty sipas vendimit është 18 muaj nga ajo datë. Me sa e di unë me 4 korrik 2019 keni marrë një punëtor lidhur me këtë plan, me intereson ta di drejtor ku ka arrit ky proces. Është pyetje edhe për kryesuesin, mungesa e drejtoreshës së Arsimit, sepse nuk ka pas informatë lidhur me përfundimin e vitit shkollor 2018-2019 dhe fillimin e ri shkollor 2019-2020, që ma merr mendja ka qenë shumë me rëndësi me pas këtë informatë si dhe po ashtu këtu e kam një kontratë e cila ka të bëjë me shfrytëzimin e sallës së edukimit fizik, kontratë kjo e lidhur në mes të Drejtorisë së Kulturës, Sport; Drejtorisë së Arsimit dhe Drejtorisë së Shkollës së Mesme Profesionale “Januz Zejnullahu”, Është fakt, është e evidente që salla është demtu kogjo shumë si dhe në nenin 6 të kësaj kontrate thuhet, se klubet sportive që ushtrojnë në sallë për çdo dëmtim gjatë kohës së shfrytëzimit janë të obliguar t’i riparojnë dëmet e shkaktuara brenda një dite. Ekzistojnë dëme të evidentuara, të cilat janë të shumta dhe po ashtu që 6 herë i ndërrohet qelësi atij institucioni. D.m.th me një fjalë ky institucion ka mbet si pa zot shpije. Përgjegjësia po mbetet askund, kur ja shtojmë kësaj që aty mbahet mësim, e ushtrojnë klubet e Vitisë, papastërtia është jashtëzakonisht e madhe. Kërkoj nga institucioni përkatës, d.m.th DKA-ja që të merr me kontratë mbi vepër, pasi që lejohet të ketë një përkujdesje me të madhe nga punëtorët teknik dhe këto dëme asnjëherë nuk janë rregullu e as kompenzu nga klubet të cilët kanë ushtruar.

Kryesuesi z.Naim Pira: Pasi që ishte një pyetje e adresuar për mu, unë po tu përgjigjem. Unë gjate përpilimit të rendit të ditës, këtë e bej si zakonisht, propozimet vinë nga ekzekutivi, unë e përpiloj rendin e ditës. Fillimisht i informoj të gjithë ata të cilët janë akter në përpilimin e rendit të ditës dhe i informoj rreth planit të kuvendit të cilin e kemi miratu për çdo vjet. Tash është në domenin e tyre që ti sjellin apo mos t'i sjellin pikat, po konsideroj që ka qenë fushata noshta ajo ka qenë arsyeja, po ju bënë një kërkesë e në seancën e radhës të na vije një informatë e tillë, sepse është e domosdoshme.

z.Bekim Azizi: Përshëndetje për të gjithë të pranishmit. Më bënë përshtypje të marr një informatë ku qëndron problemi me ujin e pijshëm. Tash me ndërtimin e ujësjellësve në fshatrat Smirë dhe Verban, nëse ka mundësi një informatë për këtë: pse tregu i kafshëve nuk kthehet në vendin ku është investu? Që dy vite radhazi dhe është marr vendim i kuvendit komunal që të kthehet, mirëpo prapë qëndron atje. Më intereson atje përball shkollës teknike është një ndërtim, ka mrrri në 6 kat, na duhet një informatë, a ka leje për at ndërtim që është duke u bërë, sepse na e dimë që në atë hapësirë nuk ka mundësi të punohet ose sipas planit urbanistik nuk lejohet përmbi 3 kate të shkohen ndërtimet, mirëpo e dimë që aty ka kalu edhe i 6-shti kat.

z.Samet Idrizi: Të nderuar të pranishëm, unë dua ti ngris tri çështje. Nën një. Para stacionit të ish-veterinarisë nënstop është një qytetar i pandërgjegjshëm që hudh berllog aty. Unë shpesh dal edhe e largoj, unë kam propozu më herët me vendos kamera mobile aty, ku qytetarët në vazhdimësi i dëmtojnë objektet publike ose i hudhin mbeturina ku ne investojmë. Kemi rasate ku shumë herë i kanë dëmtu ulëset, kockat e shumëçka tjetër. Çështja tjetër, një ditë kam ec në drejtim të varrezave të dëshmorëve, aty janë tu riparuar varrezat e dëshmorëve prej objektit të "Hidromoraves" e deri të varrezat e dëshmorëve në krahun e djathtë, ku është trotuari ki berllog aty shumë në pesë a gjashtë vende hudhet berllog. Aty ne i kemi do punëtor që punojnë, i paguan komuna dhe një organizatë e huj ka shumë punëtorë që punojnë për mirëmbajtje. Është mirë me i angazhu në atë drejtim, sepse është tmerr aty sa mbeturina janë. Dhe çështja e tretë që dua ta ngris, është rruga prej të shkolla e mesme gjimnazi këtu, deri në Binç, që është riasfaltuar. Krahi i majtë ka të shkon për Binç është hudh rërë aty, po nuk është ngjesh mirë, ka met shumë keq dhe tash zalli aty shumë i shkapërderdhur paraqet rrezik. Personalisht me ka ndodh mu dy tri here. Është mirë në këto çështje me intervenu.

z.Vehbi Rama: Përshëndetje të nderuar të pranishëm. Kanalizimi ka fillu që është bërë thuaja se ma zi se autostrada që gjashtë vite në ne fund ka fillu ka rruga "Regjep Bislimi", po kanë qenë dje do banor janë anku, që fatkeqësisht edhe pse është gypi që është privat dikun Fi 200, çka është me intereson, që krejt ky kanalizim ku derdhet në gropë septike, prapë ish ajo pronë private. Të keni kujdes, ju e dini sigurisht me emër e mbiemër që në pronë private ajo është e shenjet, nuk lejohet gropa septike të jetë në ta. Kame pyetje tjetër për drejtoreshën e Arsimit, e kam kërku që vitin e kaluar që të shkolla fillore të jetë një patrollë e policive, se aty vozitet shpejt, sidomos të shkolla "Dëshmorët e Vitisë. Më ka premtu që do të bisedon, do ta bëjë, po nuk e ka bërë ndoshta ka harru.

z.Sejdi Emini: Përshëndetje të nderuar të pranishëm! Edhe unë sot kam më shume kërkesa se sa pyetje. Te ndërtesat që janë të marume, disa para luftës, janë në një gjendje të mjerueshme, e objekti i Komune së Vitisë është bërë një objekt që perime me pa në shikim të parë është i mrekullueshëm. A keni naj strategji që edhe ndërtesat në të cilat jetojnë qytetarët e Komunës së Vitisë me u bërë në të njëjtën formë, se edhe ato e meritojnë nëse qeveria komunale si qeveri e bënë objektin e vet më shumë komoditet dhe mu ni shume mirë. Unë besoj që edhe qytetarët e Komunës së Vitisë e meritojnë të njëjtin trajtim, prandaj pyetja ime është: a keni naj strategji që edhe ato objekte ndërtesa të bëhen të njëjta llojit qyshe është bërë objekti i komunës, apo fare për këtë nuk keni mëndu? Për drejtorin e Shëndetësisë: a kanë përfundu hetimet për ambulanten e Gushices dhe a keni plan që të filloni ta ndërtoni at ambulant apo fare nuk keni mëndu? Dhe pyetja e tretë është pak më e ndjeshme, dhe nuk e di qysh janë mundësitë. Në kohën e sodit ka shumë persona të cilët po vuajnë nga sëmundja e kancerit. Nuk e di unë qysh janë mundësitë që me e kontraktu dikan, një person i cili është adekuat, që edhe është kërkesë legjitime që një dit me ja kushtu në

Viti trajtimit të tyre, me e kontraktu një person i cili është specialist i asaj pune dhe me lanë një ditë, p.sh. të Martën, sepse ata kanë nevojë, po i shofim kushtet përgjithësi se çfarë kushte janë. Fatura eshët bukur e shtrejt, kështu që kisha kërku që me punu në at drejtim, me e kontraktu një njeri adekuat që së paku një ditë, një herë në jav me i trajtu ata persona në qendrën e Vitisë, sepse ata kanë me shku ose ne Prishtinë ose me larg. Unë mendoj që eshët e mundshme, vetëm duhet me ekzistu vullneti.

z.Taulant Haxhiu: Përshëndetje të nderuar të pranishëm! Dashta të lidhem rreth vendimit që e keni marr për fletushkat. Fletushka është një mjet i informimit, i cili i lajmëron qytetarët për zbritjet në ditët e caktuara. Unë vij nga biznesi, nëse një market ka një vaj që është esencial, artikuj i domosdoshëm ose mill, ne fillim të muajit del me zbritje, qytetarit përmes fletushkës informohet për zbritjen e artikujve të caktuara, që janë esenciale dhe të domosdoshëm. Tash në fillim të muajit i marrin rrogat dhe nëse një pako vaj ka kushtu 13 euro, në fletushka lajmërohet që është 9 euro. Një qytetar mundet se paku 4 euro të bënë kursim me një artikuj të domosdoshëm. Unë e pranoj një vendim që fletushkat mos të vendosen në vetura e të ndotet ambienti, po të bëhet një rregullore që në vendet e caktuara të shpërndahen fletushkat. Fletushka është trendi më i ri i marketingut, trend botëror që e praktikojnë të gjitha vendet e Evropës. Sa vende i kam vizitu, unë e kam pa që është një trend i ri i fletushkave, është një mjet i mirë i informimit. Vendimin që e ka marr drejtori i Inspeksionit, për mu është i papranueshëm. Unë kam edhe një kërkesë. Në seancën e kalume kemi qenë në proces zgjedhor dhe disa drejtor ishin të ngarkuar me fushatë. Kam kërku prej drejtorit, Nexhmedin Jakupi, te rruga “Adem Jashari”, mbrapa banesave, është mirë ta viziton. Unë kam kërkesë prej banorëve, aty është komplet ambienti i ndotur, ka shiringa, ka mbeturina dhe atëherë e kam cek, aty duhet të intervenohet, të pastrohet, për shkak se jetojnë një shumicë e madhe e qytetarëve. Nëse nuk merrni veprime, unë masi aty jam kanë shumë i votum, e marr vet e pastroj. Është mirë të shikoni këtë. E kam pas një propozim unë, është seanca e dhjetë që e ceku, propozimin për ditën e Diell të jet ditë pushimi. Unë e kam propozu këtë, e ku shumica me kanë thanë që është një propozim i mirë dhe e përkrahin. Ne e kemi pas një diskutim të mirë me bizneset, 85% ose 90% e kanë pranë këtë, po drejtori, z.Skenderi, nuk ka marr asnjë vendim, as nuk e ka sjellë në kuvend propozimin, pastaj kuvendi ta vendos që ta kemi të Dielën pushim.

z.Ali Bajrami: Përshëndetje të nderuar të pranishëm! Takimi i fundit që po e quajmë takim të progresit, ku kanë qenë kryetari, nënkryetari, drejtori i Financave me CDI-në, sa i përket çështjes së ujit të pijshëm në Komunën e Vitisë, kisha kërku një informatë shtesë, çka është diskutu dhe çka është në të ardhëm parapa, që këta ujësjellës të funksionalizohen.

z.Ibrahim Rama Drejtor i Financave: Përshëndetje të nderuar të pranishëm! Keni dy pyetje që kane të bëjnë me problematikën e ujit të pijshëm në Komunën e Vitisë. Po ju jeni në dijeni, që të Hënën e kemi mbajtur një takim me të gjithë akteret që kane të bëjnë me ndikimin e tyre në përmasimin e ujit të pijshëm, gjegjësisht sistemin në tërësi në territorin e Komunës së Vitisë. Kanë qenë CDI-ja implementuese e projektit “Hidromorava”, si kompani regjionale që ka të bëjë me ujësjellësin dhe Komuna e Vitisë si përgjegjëse për furnizim me ujë për qytetarët e Komunës së Vitisë. Disa problematika janë ngrit, disa vendime janë marr aty për aty, kanë qenë edhe përfaqësuesit e fshatrave që kanë të bëjnë me problematiken e ujit, kryesish një pjesë e problemeve që kanë të bëjnë me komunën, d.m.th me financimin e komunës, që e ka për detyrë me i plotësua këto projekte në bazë të marrëveshjeve të nënshkuara në vitin 2012. Ju e dini që të gjitha vendimet që i kemi marr me i plotësu këto marrëveshje që kanë të bëjnë me ujësjellësit, janë marr ne Kuvendit Komunal dhe deri me tani për hir të realitetit, jeni në dijeni që kemi pagu 230 mije euro për marrëveshjet që i kemi trashigu. Lidhur me përfundimin e ujësjellësit në Komunën e Vitisë dhe 125 mije euro jemi në përfundim të marrëveshjes, që ka të bëjë me finalizimin e ujësjellësit në fshatin Stubëll. Gjitha këto aktivitete që i përket komunës na i kemi plotësu në kuptimin financiar, kurse implementuese e projektit ka qenë CDI-ja në bashkëpunim me Ministrinë e Zhvillimit Ekonomik dhe “Hidromorava” si përgjegjëse e këtyre projekteve. Që në fund të fundit, këto projekte kur të behet pranimi teknik, “Hidromorava” i merr përsipër si aset

të saj dhe ajo masanej fillon me menaxhimin dhe sipas nevojës edhe me rehabilitimin e këtyre ujësjellësve. Gjithnjë këto po i ceku deri tek problemi, që pjesa e të gjitha këtyre projekteve nuk ka përfunduar, d.m.th uji i pijshëm nuk rrjedh në shtëpinë e qytetarëve të Komunës së Vitisë dhe këtë shqetësim përherë e kemi ngrit edhe ju e kenë ngrit, dhe në fund kemi vendos për hir të shumë takimeve që i kemi pas me këta akter, që kanë të bëjnë me implementimin e ujësjellësve dhe të hënën definitivisht e kemi mbajtur takimin dhe kemi marr obligime që me i përfunduar këto ujësjellëse, është fjala për pesë fshatra, dy Sllatinat, dy Sadovinat dhe Tresteniku që ka përfunduar. Ju e dini që sistemi është në gjende të rregullt, është bërë pranimi teknik, është testu, pastaj i kemi dy sisteme të ujësjellësit që kanë të bëjnë me fshatin Smirë dhe Verban, edhe ato sipas informatave janë të përfunduara si rrjet, pastaj kemi sistemin e ujësjellësi për fshatin Goshicë dhe Germovë, dhe është në implementim e sipër projekti i ujësjellësit në Stubëll dhe kontrata është lidh edhe për tri fshatra që duhet mu rehabilitu, që e kanë ujësjellësin, është fjala për Beguncën, Skifteraj dhe Zhitin dhe katër të tjera. Na kanë thanë që së shpejti do të hapet tenderi apo thirrja publike që me gjet një operator që me i implementu këto, me rehabilitu. Ajo çka është me rëndësi duhet me rrjedh uji në shtëpitë e qytetarëve, konsiderohet një projekt i përfunduar mirë dhe në këtë drejtim, në mbledhjen e fundit është diskutu dhe është marr përsipër, që pjesën e obligimit që e kanë qytetarët dhe “Hidromorava” dhe CDI-ja ta marrin së bashku dhe në ditët në vijim të merret një vendim i prerë si të vendoset për këto sisteme të ujësjellësit. D.m.th ne kemi kërku që uji duhet me rrjedh nëpër shtëpitë e qytetarëve, decidiv ka qenë kryetari dhe qeveria komunal me këta akter dhe është marr vendimi, janë marr përgjegjësi, CDI-ja e ka shpreh një mundësi për qytetarët, i ka dhuru dikun 3000 orë matës, që do të vonohen nëpër shtëpitë e qytetarëve, d.m.th një ndihmesë në kuptimin financiar. Pjesën tjetër të implementimit të kyqjes së qytetarëve në këto ujësjellës, do ta bëjnë qytetarët së bashku me “Hidromoraven” përmes thirrjes publike, që do të zgjedhën kompanitë përkatëse, që janë të specializuara me i implementu këto kyqje të fshatrave dhe unë besoj që së shpejti do ta shifni në teren. Po prapë do të varet prej përfaqësuesve të fshatrave, sa do të jen azhur në këtë drejtim me “Hidromoravën”, që këto grupe punuese dhe kompani që do ta përzgjidhen, që të fillon kyqjen e tyre qytetarëve në sistemet e ujësjellësve që janë të gatshme, është fjala për pesë fshatra, dy Sadovinat, dy Sllatinat dhe Tresteniku, Germova Goshica Verbani e Smira, d.m.th në këtë drejtim kjo kish me qenë si informatë vija të trasha, që ka të bëjë me sistemin e ujësjellësit në komunën e Vitisë.

znj.Fatbardha Emini: Përshëndetje të nderuar të pranishme! Sa i përket pyetjes së parë, për fillimin e vitit shkollorë, edhe pse përmes mediave të gjithë qytetarët e Komunës së Vitisë janë të njoftuar për fillimin e vitit të ri shkollor, por edhe ne formë të shkruar mund të ja sjellim në seancën e ardhshme. Sa i përket ecurisë dhe fillimit, gjithçka ka shku në mënyrën me të mirë të mundshme, edhe pse ka qenë një vit jashtëzakonisht i ran, tu e ditë rënien e numrit të madhe të nxënësve dhe normave të mësimdhënësve. Në aspektin infrastrukturor, të gjitha shkollat që kanë qenë të planifikuara me planin dinamik të rivitalizohen për fillimin e vitit të ri shkollorë 2019-20, me datën 20 Gusht kanë qenë të përfunduara. Po ashtu pajisja me inventar, mjete të tjera sipas kërkesave të shkollave, kanë qenë në kohën e parapamë, kemi pas me disa operator të mjeteve tjera pak telashe, po edhe ato janë rregllu në momentin e duhur dhe konsideroj që fillimi i vitit të ri shkollor ka qen i mbarë dhe ju uroj të gjithëve sukses. Sa i përket pyetjes tjetër, për shfrytëzimin e sallës së sportit në shkollën e mesme profesionale “Januz Zejnullahu”, dihet që Komuna e Vitisë e ka vetëm një sallë sportive, atëherë komuna në bashkëpunim me shkollat dhe drejtorin e Kulturës, ka gjet një modalitet që disa klube që kanë bërë kërkesë ta shfrytëzojnë këtë hapësirë. Këshilltarja e nderume, profesoresha ka kërku qasje në dokumente zyrtare. Sa e di unë, e ka marr informatën përmes Zyrës për Qasje ne Dokumente Zyrtare dhe marrëveshjen që e ka klubi me shkollën për shfrytëzimin e sallës, ne e dimë që ajo sallë është e shkollës, po në mungesë të infrastrukturës shkollorë që kanë shkollat tjera dhe sallës që është nivel komunal, e vetmja sallë, atëherë duhet me bërë zgjidhje, nganjëherë edhe me ju ofru mundësi klubeve që me pas qasje me e zhvillu aktivitetin sportiv, sepse është në të mirë të rinisë, të nxënësve dhe në të mirë të qytetarëve të Vitisë.

Nuk shoh ndonjë pengës për shfrytëzim të kësaj salle. Sa i përket pyetjes për siguri në komunikacion, e di që e keni ngrit këtë çështje, edhe unë e kam ngrit në KKSB, është kompetent ekskluzive e policisë për me patrollu këto rrugë dhe për me shtu sigurinë në rrugë. Ne si drejtori e Arsimit e kemi diskutu për shkak se edhe aty edhe te gjimnazi momentin e fillimit të ndërrimit të orarit të mësim, bëhet një kauzë dhe me që është rrugë kryesore, krijohet pasiguri. Ne do të bëjmë prap presion, ama nuk është nënë kompetencën tonë që të vnojme polic në rrugë.

z.Skender Ahmeti: Përshëndetje të nderuar të pranishëm! Patëm disa pyetje, si çështja e ndërtimit të shkollave mesme, që fatkeqësisht i ka tejkalu lejen ndërtimore, sepse e ka për katër kat dhe për këtë tejkalim ne kemi qenë disa herë në inspektim së bashku me asistencë, edhe me polici i kemi ndërpre shpeshherë punimet. Për këtë çështje kemi komunikua edhe me prokurorin, kemi ngrit kallim penal, kemi marr edhe vendim që e kemi qu në gjykatë dhe investitori naj ka bë një ankesë për masat që i kemi marr për procedurën administrative dhe lenden e kemi qu prap në Ministrinë e Planifikimit Hapësinorë dhe çështja është në procedurë administrative, gjyqësore dhe penale. Kështu që nuk kemi nejt duart kryq. Sa i përket hedhjes së mbeturinave të stacioni ish veterinarisë, na personin nuk e dimë se kush është, megjithëse i kemi shtu angazhimin shtesë, po na duhet ndihma jo vetëm e asamblistëve po edhe e qytetarëve nëse ka ndonjë dëshmi, e ku ne jemi kanë të gatshëm, menjëherë ta procedojmë çdo kush që e shkel Ligjin për Mbeturina. Një çështje që e përmendi Taulanti, at të fletushkave, të cilën ne e kemi marr një hap e jo vendim, e kemi bë një njoftim publik për të gjithë bizneset që punojnë në Komunën e Vitisë, që nga data 1 Nëntor 2019 do të fillojmë ta implementojmë udhëzimin administrativ për ndëshkimin me gjoba mandatore dhe Ligjin për Mbeturina e rregulloren komunale për mjedis që e ka Komuna e Vitisë, dhe ky udhëzim është i vitit 2018, që të sanksionohet të gjithë ata operator ekonomik që hudhin fletushka vend e pa vend në qytetin e Vitisë dhe përreth. Kjo gjë është e sanksionuar me udhëzim administrativ të nenit 16, ku thuhet se të gjithë ata që hudhin fletushka, broshura jashtë vendbanimit, jashtë vendit ku e cakton kuvendi komunal, sanksionohet me këtë udhëzim administrativ. Ne si inspektorat nuk jemi të thirru me interpretu apo me e komentu një udhëzim apo një ligj, se a është i mirë apo nuk është, po ne e kemi për obligim vetëm me ekzekutu dhe në këtë rast nuk dëshiroj që Komuna e Vitisë të mbetet me zero gjobe ndëshkim mandatar në nivel vendi, ku komunat tjera kanë fillu ta zbatojnë këtë çështje dhe në do ta bëjmë këtë kërkesë. Kemi pas edhe nga asamblistët e këtij kuvendi, që të ndërmarrim masa që t'i ndërpresim këto operacione. Kemi mbështetjen ligjore dhe kjo është e sanksionuar qartë dhe shkrun në udhëzimin administrativ për ndëshkime mandatore, e ki nenin 16. Sa i përket çështjes së respektimi të orarit për bizneset që operojnë në Komunën e Vitisë, që ju keni qenë iniciator që e diella të behet ditë pushimi, ne i kemi marr disa hapa procedural, ku në fund kemi pas debat me bizneset, ke qen edhe ti Taulant. Nuk ka qenë një koordinim apsolut, ka pas pro dhe kundër që mos të behet kjo punë, po megjithatë për shkak të fushatës që ishte zgjedhore, ne e kemi pauzu, e kryetari insiston me çdo kusht me bë këtë. Po prapë se prapë edhe nga përfaqësuesit e kuvendit komunal edhe nga bizneset, nuk janë me një fjalë, po megjithatë ne do të sjellim në kuvend dhe të gjithë ata që kanë vërejtje me shkrim me i inkorporu në këtë rregullore. Ne do t'i implementojmë. Tek çështja e tregut të kafshëve, ne pas kërkesës që kryetari ta bej dislokimin e tregut nga ish tregu në tregun e ri, kemi kërkuar që të plotësohen disa kushte. Kemi kerku që të ketë ujë, peshore, rrethoj me të mirë dhe këtë e kemi bë, hapjes e pusit, që d.m.th ujë ka për momentin. E kemi bë edhe pastrimin fizik të tregut, do ta shiqojmë mundësinë, sepse edhe "Ekohigjina" nuk është në nivelin e mirë të menaxhimit të tregjeve, sepse ne tash kur ta bëjmë dislokimin nga tregu i vjetër në të riun, duhet me pas kushte me të mira, ndoshta ekziston mundësia të jepet në partneritetet publiko-privat, për shkak të menaxhimit më të mirë të tregut të kafshëve.

z.Ajet Sallahu Drejtor: Përshëndetje të nderuar të pranishëm! Sa i përket pyetjes për planin zhvillimor komunal për vendimin që është marr me herët, që të fillojmë me punë kemi fillu me kohë punën janë majt disa diskutime publike me grupet punuese. Kemi pas edhe një marrëveshje bashkëpunimi edhe me GIZ-in për me bë bazën e të dhënave, raportet sektoriale, janë grumbulluar të gjithë me institutin e planifikimit hapësinorë, kemi kerku ndihmë

prej tyre dhe jemi duke punuar bashkërisht, mirëpo është sfidë e madhe në hartimin e hartave për planin zhvillimor komunal dhe nga komuna janë nda mjete për angazhimin edhe e një kompanie konsulente për me e përfundu planin zhvillimor.

z.Basri Aliu Drejtor: Përshëndetje të nderuar të pranishëm! Sa i përket hetimeve rreth AMF-së ne Gushicë, pasi që është kompetencë e organeve tjera, ne ende nuk kemi asnjë raport nga ta dhe nuk kemi mundësi të ndërhyjmë në këtë drejtim. Sa i përket trajtimit të të sëmurëve me kancer, që është shqetësim i të gjithëve, po të caktohet një ditë që ata të vizitohen, ne jemi çdo ditë në teren, ekipet mjekësore çdo ditë aty ku ka nevojë shkojnë intervenojnë për ato mundësi që janë kompetencë në Qendrën e Mjekësisë Familjare, pasi që komuna merret vetëm me mjekësin primare, ndërsa për trajtimin tjera janë kompetent mjekësia terciare, prandaj kështu që çdo ditë ekipet shëndetësore janë në teren aty ku ka nevojë.

z.Hasan Aliu nënkryetar: Përshëndetje të nderuar të pranishëm! Drejtorët u përgjigjen në pyetjet, po drejtori i Shërbimeve Publike nuk të koka këtu e unë e morra fjalën. Ke pyetja që kanalizimi ka fillu dhe u tha që gropa është pronë private. E kemi këtu drejtoreshën, e cila do ta shikon dhe ne seancën e ardhshme ju sjell informatë. Pyetja tjetër tek varrezat e dëshmorëve, ka shume bërlllok dhe duhet me ja dhënë detyrë drejtorit të Shërbimeve Publike, që ta shikon këtë. Pyetje tjetër ishte pastrimi i banesave përball policisë, edhe këtë pyetje do të ja përcjelli drejtorit. Tek ndërtesat e ndërtuar para luftës, ke një pyetje, po nuk kam përgjigje për këtë, mirëpo prej provojës që kam ndoshta të gjitha banesat janë privatizu, nuk ka banesë ma të komunës, tash tretmani i përgjithshëm i tyre, dukja e jashtme, nuk kam informata për këtë.

znj.Mirlinda Sadiku: Drejtoresha e përmendi që nuk e ka problem me shfrytëzimin e sallës, absolut as unë aq me pak kur vij nga fusha e sportit, mirëpo unë e kam problem me menaxhimin e sallës momentin që këto që nënshkruhen, d.m.th përgjegjësia, menaxhimi bjen mbi juve. E dini që gjashtë herë është ndërru qelsi, pse është ndërru herën e fundit është thy edhe me forcë, d.m.th nuk po menaxhohet mirë. Mund të ju tham një numër të madh të dëmtimeve që janë bë, nuk e përjashtoj mundësinë edhe të nxënsave, mirëpo unë vet kam pësuar prej mos pastërtisë, për shkak që nuk eshte tu menaxhu mirë. Të jesh e bindur për këtë, absolut nuk jam kundër klubeve që të ushtrohet aty, mirëpo menaxhimi sa i mirë, papastërtia është evidente, demet që janë bë e nuk janë riparuar, që parashihet në kontrate e keni pa edhe ju, nuk ka orar aty, orari do të duhet të postohet aty dhe demet që janë bë tash, neve na imponohet, p.sh.: orën e basketbollit, elementet teknike, ndoshta janë dëmtu e nuk janë rregullu. Unë nuk jam kundër zhvillimit të sportit në Komunën e Vitisë, e di që është vetëm ajo sallë, mirëpo menaxhimi nuk është në nivelin e duhur, pse nëse vazhdohet kësi soj, është e pamundshme me mbajtë mësim aty nga papastërtia. Unë kërkoja ta angazhoni një punëtor teknik me kontratë mbi vepër, p.sh.: për 9 muaj sa zgjatë procesi mësimorë.

z.Taulant Haxhiu: Drejtor, a keni ndonjë vend të caktuar se ku të shpërndahen tash fletushkat që të informohet qytetari, ku duhet ai ta marr një fletushkë, një zbritje të një artikulli, ju e keni ndalu nëpër qytet, a keni bisedu që ku mundem të informohem na. Për diskutim publik që kemi bë, për rregullore për orarin e punës, për bizneset, unë at ditë jam kanë prezent, 95% të bizneseve janë kanë pro, vetëm një persona ka qenë kundër, ka qenë një nga shoqëria civile, Mentor Rexhepi, i cili nuk ka pas biznes asnjëherë, ky ka qenë kundër, sepse nuk ka përvojë në biznes.

z.Skender Ahmeti drejtor: Unë jav jap udhëzimin administrativ, e kame me veti. Si mos të kishim bazë juridike ne nuk e kishim marr këtë hapë, se unë e di që ju keni reagu edhe në portale dhe keni kërku që kryetari ta ndryshon këtë vendim absolut. Unë jam i bindur 100% që kryetari Haliti nuk e dinë që unë e kam marr këtë hapë për me zbatu një ligj dhe një udhëzim, prandaj Ligji për Mbeturina dhe akti nënligjor që derivon nga ky ligj e specifikon qartë. Po mos ta kishim këtë, unë absolut nuk do ta kisha bë as njoftimin publik. Në aspektin procedural, të gjitha bizneset që veprojnë në Komunën e Vitisë i kam njoftu me shkresë, jav kam dhënë njoftimin dhe e kanë pranuar. Tash e kemi mundësinë, teknologjia ka hec, janë portalet, televizionet, përderisa udhëzimi administrativ e

ka nxjerr qeveria e juaj që ka qenë në udhëheqje, prandaj shfrytëzoj rastin që nga nesër me 1 Nëntor, të gjithë operatorët që hedhin fletushka, ne do ta sanksionojmë. Fletushkat le të shpërndahen në televizione, portale, unë po jav përcjelli nr. e udhëzimit, Udhëzimi Administrativ MMPH NR.06/2018 për ndëshkimin me gjoba mandatorë, neni 16 për masat ndëshkimore, i cili thotë, në të cilat vende ku hedhen broshurat, fletëpalosje jashtë vendit të përcaktuar nga komuna, sanksionohet me gjobë.

z.Sejdi Emini: Është propozim që pikërisht e kam dhënë unë, propozimin e kam dhënë me arsye, sepse i kemi disa biznese të mëdhaja që e kanë pushtu tregun në krejt Kosovën, si ETC, VIVA, INTEREX. Leje që e kanë pushtu tregun, që është e drejtë me bë tregti, mirëpo i kanë mbytur edhe krejt bizneset e vogla në Komunën e Vitisë. Tash qaq shumë na kanë bë dëm, po na lënë edhe mbeturina. Unë mendoj që të gjithë duhet me u kanë një zë, që mos me jav leju atyre me na dëmtu. Tash edhe ambientin që po e pastrojmë ata po e ndotin.

z.Taulant Haxhiu: Sejdi, unë edhe pse bashkëpunoj me bizneset e mdhaja, nuk po du me i mbrojt ata që i ceket i dhe, nuk është interesi im personal, po unë po marr ankesa nga qytetarët dhe nga marketet, që me se paku i kanë nga 140 punëtor. *Mediteran, Emi Center*, ata kanë thanë që na gjithmonë qesim fletushka dhe tash me këtë ndalesë që e ka bë drejtori, unë jam tu i mbrojt bizneset e Vitisë. U tha që kemi rrjetet sociale, kemi qytetar që nuk ka rrjet social, e fletushka është trend i ri në krejt Evropën, mënyrë me e mirë e informimit.

z.Hasan Aliu nënkryetar: Unë mendoj se janë dy të cilat e kanë at kahjen shumë pozitive, tu fillu edhe propozimin që e ka bë drejtori, po edhe këshilltari që e ka arsyeshmerinë e vet, nëse ne në momentin e atij vendimi me një nen të posaçëm të kish thanë që të gjitha fletushkat ne Viti mund të lihen në X vendin, dallon televizioni nga ajo që po e kërkon Talanti. Unë jam qe te këtë një vend që ku qytetarët të shkoj t'i shohin fletushkat.

z.Jakup Demiri: Përshëndetje të nderur të pranishëm! Rregulloren dhe ligjin nuk e di, po në aspektin ekonomik ne që jemi ekonomistë e dimë se si bëhen këto. Nuk ka të drejtë një ligj të ndaloj këtë broshurën për njoftim të qytetarët. Edhe në përfundim është kjo, mirëpo ligji munde të ngarkoj oponentët ekonomik që të paguajnë një pjesë të përqindjes edhe për këtë që shkakton mbeturina, sepse broshura është trend botëror dhe duhet të bëhet reklama me broshura.

z.Bekim Azizi: U bë temë diskutimi kjo, pat gjëra të mira dhe të këqija, mendoj që drejtori duhet me i respektu rregulloret, mendoj që edhe të tjerët duhet me i respektu të drejtat, mirëpo këtu nuk guxojmë me i diskutu emrat e bizneseve, sepse i bjen se ne këtu në kuvend po e favorizojmë një biznes ose televizion. Nëse drejtori ka bë një vendim, është mirë në seancën e ardhshme të naj sjell në kuvend, ta shofim edhe na e qe është nevoja të ndryshojmë ose plotësojmë dhe vendimi të jet me konkret, sepse edhe unë jam që fletushkat mos të lihen në vetura e ne vende që ndotin ambientin, sepse janë të tepërta.

z.Skender Ahmeti: Krejt e kuart, unë thash nuk kam marr vendim, sepse po të marr vendim në fillim do ta sjelli këtu vendimin. Unë e kam marr një hapë për me e zbatu një udhëzim dhe një ligj. Të njëjtin gjë mendoj që nga data 1 janar 2020, mendoj që të gjitha bizneset që nuk kanë kontrata për menaxhimin e mbeturinave, me ju bë të njëjtën mundësi me pas kontrata, se përndryshe po i gjuajnë mbeturinat vend e pa vend, prandaj edhe kjo është e parapame me Ligji për Mbeturina dhe me udhëzimin administrativ. Hapi i par është ky që e kemi marr, e hapi tjetër do të jet ai. Kemi raste kur të behet shpërndarja e fletushkave që qesin me shumicë në tokë.

Kryesuesi z.Naim Pira: Për seancën e nëntë të rregull të Kuvendit Komunal të Vitisë, kemi parapa këtë:

Rend dite

- 1. Shqyrtimi dhe miratimi i procesverbalit nga mbledhja e tetë e Kuvendit Komunal të Vitisë.**
- 2. Pasqyrat Financiare të buxhetit Komunal për periudhën janar-shtator 2019**
- 3. Propozim për shqyrtimin dhe miratimin e propozim vendimi për shpalljen në diskutim publik për propozim rregulloren për transparenten në Komunën e Vitisë.**

4. Propozim për shqyrtimin dhe miratimin e propozim vendimi për ndryshim plotësim të vendimi Nr. 01-410-03-71 të datës 08.02.2018 të Këshillit Komunal për Siguri në Bashkësi.

A ka dikush rreth rendit të ditës?

Nënkryetar z.Hasan Aliu: Të nderuar këshilltar, piken e katër të rendi të ditës e kemi ndryshim plotësim të vendimit të KKSB-së. Dje na ka ardh një kërkesë nga FSK-ja, të cilët dëshirojnë që përfaqësuesin që e kane në KKSB ta ndryshojnë, andaj unë kërkoj që të futet në rendë ditë edhe ndryshim plotësimi i vendimit të KKSB-së, d.m.th që kemi të bëjmë me përfaqësuesin e FSK-së, pasi që dje na ka ardh kërkesa nuk kemi mujtë të përgatisim propozim vendimin. Nëse jeni ju pro, kërkojnë nga Zyra e Sekretarisë së Kuvendit Komunal ta bënë vendimin.

Kryesuesi, z.Naim Pira: A ka dikush rreth rendit të ditës. Pasi që nuk ka e qes ne votim miratimin e rendit me propozimin e nënkryetarit. Nga të gjithë të pranishmit u miratu rend i ditës.

Si pikë të parë të rendit të ditës kemi:

1. Shqyrtimi dhe miratimi i procesverbalit nga mbledhja e tetë e Kuvendit Komunal të Vitisë

A ka dikush rreth pikës së parë të rendit të ditës ju lutëm? Pasi nuk ka e hedhim në votim pikën e parë të rendit të ditës. Konstatoj se me votat e të gjithëve u miratu rendit i ditës, kundër nuk ka, abstenim nuk ka.

Si pikë të dytë të rendit të ditës kemi:

2. Pasqyrat Financiare të buxhetit Komunal për periudhën janar-shtator 2019

z.Ibrahim Rama: Përshëndetje të nderuar të pranishëm! Si zakonisht në periudhën tre mujore. Drejtorja për Financa, Ekonomi dhe Zhvillim ka për detyrë të raportoj mbi ekzekutimin e buxhetit për periudhën në fjalë. Këtë herë është fjala për ekzekutimin e buxhetit për periudhën janar-shtator të vitit 2019, ashtu siç është ekzekutuar buxheti, ashtu janë edhe shënimet e nxjerra. Kështu që, të gjitha këto paraqesin në mënyrë të saktë ekzekutimin apo me mirë me thanë shpenzimin e buxhetit që kanë ndodh për këtë periudhë. Në tërësi sipas këtyre pasqyrave, shifer që buxheti I alukuar për vitin 2019, gjegjësisht për këtë periudhë është 9 milion e 37 mijë. Nga kjo shumë janë shpenzu gjithsej 7 milion e 950 mijë apo shprehur në përqindje duket si vijon: për kategorinë e pagave është shpenzu 99.95%, për shërbime dhe mallra 85%, për komunal 93%, për subvencione 90%, për investime kapitale 58.51%, dhe në tërësi në komunal buxheti është shpenzu nga vlera e alokuar në përqindje prej 87.97%. Në vazhdim të pasqyrave financiare i keni qysh është shpenzu buxheti sipas drejtorive, dikun sillet përqindja mbi 90%, përveç në Drejtorinë për Financa që është dikun 58%, ndërsa të gjitha drejtorit dhe zyra e kuvendi janë në përqindje të larta. Sa i përket të hyraave vetanake këtë vit jemi rekord në krahasim me vitet e tjera. Pra duke e krahasuar gjithë periudhën e pasluftës prej vitit 1999 deri më sot asnjë herë nuk kemi pas grumbullim të hyrave vetnake më shume se këtë vit edhe përqindja paraqet që jemi në 108.8% krahasim me planin vjetor të grumbullimit e të hyrave vetanake. Materialin e keni marr më kohë, për pyetje shitesë jam në dispozicionin e juaj.

Kryesuesi z.Naim Pira: Hapi debat për këtë pikë të rendit të ditës.

znj. Mirlinda Sadiku: Drejtor, p.sh.: 63 mije euro vendime gjyqësore nuk janë pak, kur të ja shtojmë edhe at të investimeve kapitale 57 mije euro, nuk jeni bash mirë me ligjin, me u pas kanë mirë me ligjin nuk ka pas nevojë me qenë qeto vendime gjyqësore hiq, d.m.th njerëzit me ekzekutu të drejtën e vetë ligjore që ja përcakton kontrata kolektive, ata duhet me i marr paret e tyre që ju takojnë pagat jubilarë çdo 10 vite shërbim në arsim dhe pensionim që ju takojnë tri pagat e fundit, prandaj ata nuk i kanë marr me kohe dhe normal që ju kanë drejtu gjykatave e që duhet me i pagu komuna. At shqetësim që e kam ngrit po më duket prej fillimit të mandatit, që Vitia mos të diskriminohet me buxhet, fatkeqësisht edhe dje e dokumentuan edhe portali koha.net, që është mjaft i besueshëm, ku fatkeqësisht bazuar në të dhënat e Ministrisë së Financave që e kam pas ngrit si çështje qyshe në Mars kur u bënë përgatitjet e para për buxhet, imagjinone për Komunën e Graçanicës ndahen 1176 euro për kokë të banorit, ndërsa në fund të listës është Komuna e Kaçanikut, Dragashit, Rahoveci dhe Vitia. Prandaj jemi diskriminu, se e kontestojshit ju, prandaj kjo po e argumenton at të kundërtën, që Vitia është diskriminu me buxhet, e të pasqyrat

financiare mu ma merr mendja që krejt çka mundem ne me diskutu, se pagat, mëditjet, shërbime mallra janë ato të destinuara. Krejt çka mujmë me fol, janë për investime kapitale, që janë rreth 2 milion e 100 mijë euro, po megjithatë po me intereson drejtor, pse nuk ka shpallje për bursa për studentet. E keni parapa në buxhet, drejtoresha e Arsimit dhe nënkryetari thojnë që shkon me vit akademik, e viti akademik fillon me 1 Tetor 2019-20 dhe asnjëherë studentët e Vitisë nuk i marrin bursat me kohë. E din shumë mirë, këtë vit shpallja ka qenë në nëntor, ndërsa bursat i kanë marr në Maj ose Qershor. D.m.th diçka qetu po ngec. Mirë që ka dal komuna, mirë ama këtë vit edhe planifikimi ka qenë më i vogël, ashtu na ke thënë ti, prandaj në krahasim me planifikimin dhe planifikimi është me i vogël, e normal që keni dal më mirë, po kur të ja shtojmë edhe at që keni mbet borxh vitin e kaluar, nja 300 mijë euro, aty nuk qëndroni edhe bash mirë. Po më intereson ta di të rriturat e inkasimit i të hyrave, ligji në fuqi që është për me i inkasu të hyrat me përmbaues privat, a është kjo që i ka dhënë efektet e para edhe në buxhetin komunal, sepse pikërisht ato pyetjet që i bënë grupi i VV-së e qe kanë qenë shumë të arsyeshme, sepse shifrat që po jepen në mënyrë të akomolome, po krijohet një përshtypje që ka shumë kontrata mbi vepër. Po për mu është absurdë, p.sh.: furnizim për zyrën, ditar shkolla, shkumësa, fletore pune dhe për shkollë, d.m.th këtu po ngec diçka. Drejtoresha sapo na tha, që viti shkollor ka fillu shumë në rregull, a këtu po thotë që ka pas mungesë të ditarëve, shkumësa, që është diçka jetike. Nuk mundesh me fillu vit shkollor pa pas ditar, pastaj kemi të Zyra e Kryetarit, nga kodi i tij buxhetor janë pagu pagesa për dezinfektimin e shkollës fillore. Shumë mirë, po më bëhet qefi, se në plan të prokurimit e keni parapa një shumë kogjo të madhe, po kur nuk po e realizoni. E qekjo shkollë te koka dezinfektu shume mirë, po mendoni edhe për nja 20 shkolla tjera, se kanë nevojë për mu dezinfektu. Sa i përket investimeve kapitale kam pyetje se e keni paraqit këtu tek shuma komulative. Ekzekutimi i buxhetit qeto 57 mijë euro, a është borxh ndonjë operatori ekonomik, që është ekzekutu këtë vit, e ka mbet borxh si dhe shpenzimet e vendimeve të gjykatave i keni 63 mijë euro, nëse i mbledhim këto, del një shifër mbi 100 mijë euro. Kërkoj sqarim, këto i keni në faqe nr. 4, i kemi tri kode buxhetore që i referohen të njëjtës çështje, d.m.th ekzekutim të vendimeve gjyqësore. Po du me dit a janë te tria kur i keni mbledh si shumë komulative apo kjo ka të bej vetëm për investime kapitale. E nëse investimeve kapitale ja shtojmë qeto 57 mijë euro, nëse i ka marr përmbauesi privat, atëherë rezulton se investimet kapitale janë nënë 45%, sepse ato pare që janë kanë të përcaktume për investim kapitale, ato i ka marr tjetërkush, d.m.th punët në teren nuk janë kry, për atë vlerë prej 57 mijë euro, e shuma normal që i bjen me poshtë. Kam pyetje dhe kërkoj sqarim te mirëmbajtja e autorrugëve lokale, kanë qenë dikun rreth 68 mijë euro të planifikuara, mirëpo plus me taksa me krejt, kalon deri 84 mijë euro. Çka ka ndodhë? Çekjo shifër është rrit 109 mijë euro. Nëse e ki informatën? Është kodi 14032, te mirëmbajtja e automjeteve, këtë vit kam bë shumë kërkesa në qasje në dokumente zyrtare po me ka interesu pse kaq shume mirëmbajtje të automjeteve, d.m.th dikun rreth 24 mijë e 188 euro, nëse nuk gaboj kanë qenë, kjo veturë e cila është bë remont komplet vitin e kaluar, u rretullu ajo autoambulanca, u desh mu rregullu, po këtë vit nuk u rrotullu asnjë autoambulancë, çka ka ndodhë, hej 24 mijë euro, me të vërtetet shumë, mos është me mirë me ble një veturë të re, se sa me i shpenzu taksat e qytetarëve për një veturë, 12 mijë euro një veturë me u ripar nuk është pak, sinqerisht nuk është pak. Te vendimet e gjykatave, me ka rastis me i këshyrë shumë buxhete komunale edhe kanë kod buxhetor. P.sh. Komuna e Lipjanit ku është e parapamë vendimet e gjykatave vit pas viti. Komuna e Vitisë është duke u përball me vendime të gjykatave, prandaj vet momentumi kur po merren qato pare me anë të përmbauesit privat, komuna jet keq qaty, prandaj pse na nuk kemi që në buxhet me plotë të drejt se kemi dhënë vërejtjet tona e nuk i keni marr parasysh, pse nuk e keni parapa një kod të veçantë për qeto vendimet e gjykatave, po tani po jesin keq ose investimet kapitale ose shërbimet dhe mallrat. Te shërbimet e varrimi, e di që keni mbet mas, po me duket keni kogjo shumë borxhe si qëndron çështja këtu.

z.Bekim Azizi: Te shpenzimet kapitale, kemi pas me mi sjell edhe do informata. Drejtor, nuk mi ke pru, se të thash që nuk i ke pru asnjëherë shpenzimet e udhëtimeve zyrtare jashtë vendit 11 mijë e 45 euro dhe 2481 euro akomodim. Qeto ki pas mi sjell si informata, nuk i ki sjellë, pasi që si ke pru besoj që i bjen. Shërbimet kontraktuese tjera, naj jep një informatë tashti të përgjithshme kodi 13460, 30 mijë e 625 euro derivate për vetura, është diçka shumë e lartë për këtë nëntëmujor. Po me intereson kodi 14230, shpenzime për informim publik, 13 mijë e 745 euro, që është diçka nëse krahasohet me vitet tjera, është jashtëzakonisht e madhe; dhe drekat zyrtare 27 mijë e 209 euro; edhe të vendimet gjyqësore. Dhe po me intereson te të hyrat vetanake të hyrat nga qiraja dhe hapësirat publike janë vetëm 2152 euro, janë të realizuara nëse ka një mundësi, një informatë për seancën e ardhshme me naj sjellë vetëm me shkrim, cilat janë ata që paguajnë dhe cilat janë ata që kanë obligime, cilat hapësira janë në shfrytëzim,

sepse prej 10 mije e 161 është planifiku për nëntëmujorë, d.m.th vetëm 2152 jeni minus 808 euro, janë obligim që nuk janë pagu. Te prezantimi analitik i investimeve për periudhën Janar-Shtatorë, kemi rregullim i lumenjve dhe proçkave. Te proçkat dhe lumenjtë Viti-Kabash-Smire, Drobesh-Beguncë-Viti, d.m.th janë përmendur vendet, unë nuk e di që një lumë kalon në Smire që është intervenu aty, është mirë me keshyr këtë kontratë, at pranin teknik që i kanë bë, sepse ne Smirë nuk e di që është bë një intervenim te Lumi. Asfaltimet e rrugëve lokale “Rahovica Comerc” dhe “ProGrup”. Të dyat janë që kanë kry do punime, kanë kry edhe në Smirë, a janë këto projekte dyvjeçare që po hinë, që kanë mujt mu kry vitin e kalum dhe sivjet. Vendimet gjyqësore, a janë investime kapitale apo çka është bë, apo vetëm janë marr paret nga investimet kapitale që ki pas më i bë e kanë hi në këtë kod, sepse tek investimet kapitale i ki paraqit edhe vendimet gjyqësore, sepse ne e dimë që vendimet gjyqësore nuk janë investime kapitale. Te krahasimi shpenzimet e udhëtimeve zyrtare jashtë vendit, nëse krahasohet me nëntëmujorin e vitit të kaluar dhe tash gati 100% ka rritje në shpenzimet e udhëtime jashtë vendit, këto shpenzime i kam kerku edhe vitin e kaluar, asnjëherë nuk mu kanë pru. Krahasimi tek mirëmbajtja e rrugëve lokale është një krahasim i madh më nëntëmujorin e vitit të kaluar, ka rrugë me shume apo kontrata është me e shtrejt, çka është puna 102 mije me 65 mije, a është shtu numri i rrugëve. Te shpenzimet e informimit publik, d.m.th vitin e kaluar vetëm shpenzimet po i përmendi, ka qenë 4900 euro, tash për këtë periudhë është 13745 euro, që është një diferencë ose një krahasim mjaft i madh. Edhe te kjo e përgjithshmja, se tash po del që në këtë nëntëmujor janë pagu 347 mije e 306 euro të vitit të kaluar. Raporti kur po vjen në fillim të vitit, d.m.th kjo vlerë u kanë dikun 180 mijë që janë obligime të vitit të kaluar, tash ky obligim që janë pagu të vitit kalume 347 mije e 306 euro, pse nuk po na vjen informata e sakte?

z.Samet Idrizi: Sa i përket kësaj pike, u tha nga parafolësit. Po me duket baza e planifikimit e vitit 2018 ka qenë më e ultë se e vitit 2019. Bukur shumë, edhe për at tash kemi në dallim kur e krahason inkasimin vetanak të 2019 me 2018. Unë dëshiroj të di si është arrit ky target, si është arrit ky inkasim në dallim kaq të madh në krahasim me vitet tjera, a është meritë e personelit të komunës apo e vetëdijesimit të qytetarëve. Faqe nr. 3, pasqyrat e ekzekutimit të buxhetit për të gjitha njësitë buxhetore, shpenzimet e udhëtimit brenda vendit 20 mije e 384 euro, janë dikune 7000 euro me shume se vitin 2018. Nëse ka mundësi me naj sqaru për çka ndodhin këto shpenzime. Kodi 13130, nëse banë me sjellë një informatë. Kemi rritje të madhe të shpenzimeve të rrymës, 129 mijë euro, krahasuar me 117 mijë me vitin e kaluar. Është mirë të jemi të kujdesshëm me shtrirje të elektrikes. Shpenzimet e udhëtimit zyrtar jashtë vendit, 11 mijë e 45 euro, kanë qenë 6766 euro. Është një rritje 100%. Një sqarim, pse ka ndodh kështu. Pajisje të trafikut, kodi 13508 faqe, 4 shuma 6486 euro, kanë qenë në 2018, tash janë 15711. Çfarë pajisje janë ble, çfarë furnizimi. Kemi edhe një dallim të madh tek çmimi i furnizimit me dru për djegie. Këtë vit i kemi ble me shtrejt për 20%, nëse ka mundësi procesverbalin e hapjes së tenderit vetëm po du me pa sa operator kanë qenë në tender që kanë ofertu. Kodi 13760, furnizim me lëndë djegëse, dru 128 mije e 49 euro. Procesverbalin e hapjes së tenderit, mirëmbajtja e ndërtesave është një rritje për 12 mije euro, mirëmbajtja e autorrugëve lokale edhe këtu kemi rritje, ka qenë 65 mijë, tash 109 mijë. Dreka zyrtare, është mirë nëse janë 27 mije euro. Unë i kisha nda “Flakadanin e Karadakut” me një kod tjetër, që mos me i perzi me dreka e drejtorëve ose kryetari apo stafi i komunës. Shpenzimet e vendimeve të gjykatave 63435 euro. Drejtor, a janë këto krejt të mësimdhënësve apo edhe naj kontekst tjetër që e kemi humb, si është puna. Këtu, faqe 23, prezantimi analitik i investimeve për periudhën Janar-Shtator 2019. Mu më ra në sy këto asfaltimi i rrugëve rurale, përmenden disa fshatra, p.sh.: Buzovik, shtrim të trotuareve, nuk e di vetëm nëse ka fillu naj një. Te planifikimi për lejen mjedisore, është planifiku 6850 euro, nuk ka realizim, është ralizu 0%, besoj që ka vend te lejet e planifikimit mjedisor me apliku.

z.Ibrahim Rama, drejtor: Po mundohem me qenë më praktik. Nuk po pritoj me punu asgjë, mirëpo kur po mi shifroni apo kur po me i lexoni regjistrin sipas kodeve, është e pamundshme edhe fizikisht dhe psikikisht këtu për këtu me dhënë detale për brendinë komplet të tyre. Nuk është bë tri pyetje ose pesë që me pas shënime. Unë të sakta kisha pas dëshirë që mos me i bë nga 20 pyetje apo 40, po më mirë tri katër pyetje që me mujt me ju përgjigj unë, sepse ka në brendinë e saj shume material. Krahasimi i shpenzimeve, asnjëherë nuk ju kam thanë dhe prapë po ju themë nuk është mirë krahasimi nuk mundesh me gjyku me marr një opinion me thanë ti, sepse buxhetet ndryshojnë. Një buxhet është me i vogël këtë vit, vitin tjetër është më i madh. Ndryshojnë kategorinë e shpenzimeve vit pas viti. Unë po ju them që secili këshilltar më bëni pyetjen, unë p.sh.: sot të gjitha pyetjet që i ka pas VV në Komitet për Politikë dhe Financa. Ju kam sjellë sot edhe unë do të mundohem që me u përgjigj kryesisht në ato pyetje që i bëtë ju tani. Shpërndarja e buxhetit. pyetje nga Mirlinda, e cila konstatoj që nuk është bë drejt ashtu qyshe unë kam

deklaru në hartimin e buxhetit. Unë po ju garantoj në bazë të kritereve që i ka përcaktuar Qeveria e Republikës së Kosovës, në bazë komisionit ndërministror që e ka bërë shpërndarjen e buxhetit, ndikimi edhe i imi dhe i kryetarit është i pamundur. Ata i kanë kriteret dhe në bazë kritereve i shpërndaj buxhete për komuna, tu fillu prej grandit të arsimit, grandit të shëndetësisë dhe grandit të përgjithshëm, kurse sovraniteti në kërkesën për pjesën e të hyrave vetanake kanë komunat, kurse grandet tjera ndahen nga komisioni ndërqeveritar. Po në at komision janë disa ministra dhe katër kryetarët e komunave të cilët marrin pjesë gjatë hartimit të buxhetit. Në këtë drejtim të gjitha kërkesat që i kam bërë të gjitha analizat është dalë që janë nda, mirëpo ka disa nënkritere që nuk janë kritere kryesore që i kam shpjeguar para juve, që e bëjnë një dallim të komunave të vogla që nuk dahet buxheti i drejtpërdrejtë ashtu siç është nda edhe për komunat e mëdha. Pat pyetje për shpalljen e bursave. Na zakonisht me buxhet i kemi parapa fondin për bursa. Buxheti është i ndarë se kur fillon procedura e thirrjes publike për dhënien e bursave varet nga Drejtoria e Arsimit. Borxhet e komunës, asnjëherë nuk ka pas diskrepancë ndërmjet të asaj që e kam paraqitur në pasqyrat financiare dhe asaj që është e drejtë që paraqitet për juve. Dhe një pyetje ishte nga Bekim Azizi, pse nuk po përputhet borxhet, pagesat e obligimeve në pasqyra financiare nga viti njëjtë. Këtu përveç që ndryshojnë buxhet, nuk e përcaktojnë obligimet, sepse në obligime kemi pas ashtu qyshe kam than 100 e sa mije po janë pjesë të buxhetit që i jeshin obligim për mu pagu me von, d.m.th nuk janë thjesht obligime vetëm të asaj që e kam përcaktuar unë me pasqyra financiare të vitit p.sh.: 2018, po ka edhe shpenzime të tjera që ndërkohë ose janë rritur ose mundën me ndodh shpenzime edhe të 2017. Kurse sa i përket vendimeve gjyqësore, një pjesa e madhe janë për këto kategoritë e pagave, për pension dhe për paga jubilarë dhe sipas ligjit, atyre ju takojnë po sa njëherë Qeveria e Republikës së Kosovës nuk ka da mjete, nuk na ka dhënë buxhet për me i pagu ato, përveç kësaj që e kemi buxhetin e saktë, ku të gjithë punëtorët që shkojnë në pensin i kanë të parapara pagat për vitin 2019, ndërsa prej vitit 2018 e mëpara nuk kemi pas as një buxhet, dhe të gjithë naj kanë marrë paratë përmes përmbaruesit privat. Ishte pyetja tjetër, mirëmbajtja e rrugëve lokale. Këtu kemi shumë, unë mujt me sjellë si informatë, këtë do të sjellin në seancën e radhës. Inkasim i të hyrave ishte një pyetje, çka ka ndiku që kemi pas këtë rritje me thanë të drejtën edhe përmbaruesi privat po edhe pse nuk duhet me qenë kriter që me e proklamim këtë po edhe qytetarët e kanë pa që tash shumë punë po lidhen me kryerjen e obligimit të tatimit në pronë dhe ata janë vetëdijësua dhe të gjitha këto kanë ndiku që ne me pas një rritje të tillë. Krejt çka është shpenzu, të gjitha shpenzimet janë bërë në kuadër dhe në saktësinë e buxhetit që janë planifiku. Ne duhet me qenë më të saktë nëse duhet me pas vërejtje në disa parametra. Në momentin që miratohen buxheti, na në qeverinë komunale dhe unë kame për detyrë me e zbatu buxhetin ashtu siç është i planifikuar, pavarësisht paragjyqimit a është planifiku mirë drekat zyrtare apo udhëtimi zyrtar jashtë vendit.

znj. Mirlinda Sadiku: Drejtor, ky publikim ka dalë mbrëmë, d.m.th i referohem koha.net, që është kredibil. Po përveç portalit, e ki institutin GAP, i cili prapë ka bërë hulumtim, d.m.th krejt çka kërkoj, se unë vit pas viti i përsëriti të njëjtën çështje. Nuk më dhavë përgjigjen që është rritur shuma e rrugëve 104 mije euro, prej 68 mije sa u kanë në plan të prokurimit ka shku 104 mije euro, pse ka një rritje kaq të madhe.

z.Ibrahim Rama Drejtori: Të shpërndarja e buxhetit, plotësisht ju kuptoj juve, përveç kritereve që ndahet buxheti, janë edhe disa nënkritere që duhet mu zbatu në bazë të Kushtetutës së Republikës së Kosovës, për arsye të minoriteteve dhe ata kanë bënë të caktuara.

Kryesuesi z.Naim Pira: Ju faleminderit për kontributin e dhënë në këtë pikë të rendit të ditës.

Si pikë të tretë kemi:

3. Propozim për shqyrtimin dhe miratimin e propozimit vendim për shpalljen në diskutim publik për propozim rregullor për transparenten në Komunën e Vitisë

z.Mustaf Mehmeti, zyrtar nga Zyra e Informimit: Përshëndetje të nderuar të pranishëm! Propozim rregullor që kemi para juve, e ka përgatitur Zyra për Informim publik në kuadër të takimeve që i kemi pas me kolegjiun e transparencës. Kjo draftë rregullorë është harmonizuar dhe është shikuar më ligjet në fuqi nga Zyra Ligjore në Viti, konkretisht me ligjin e ri për qasje në dokumentet publike, udhëzimi i ri administrativ për transparencën si dhe udhëzimi administrativ për standarde minimale të konsultimit publik duke pasur parasysh se propozim rregullorja e kemi pranuar para disa ditëve, dua të ju njoftoj se kjo propozim rregullorë parashihet të dalë në diskutim publik ne

muajin Nëntor, kurse të gjitha komentet të cilat do të grumbullohen nga faza e diskutimit publik dhe të cilat mund të inkorporohen në rregulloren e re, do t'i inkorporojmë. Nëse keni ndonjë pyetje, jam i gatshëm të ju përgjigjem.

Kryesuesi i Kuvendit z.Naim Pira: Hapim debat rreth kësaj pike të rendit të ditës. Pasi nuk ka për diskutim, unë po i qes në votim. Nga të gjithë të pranishmit miratohet edhe kjo pikë e rendit të ditës

Si pikë të katërt dhe të pestë të rendit të ditës, kemi, po i qesim të dy pikat, sepse e kanë natyrën e njëjtë

4. Propozim për shqyrtimin dhe miratimin e propozim vendimi për ndryshim plotësim të vendimi Nr. 01-410-03-71 të datës 08.02.2018 të Këshillit Komunal për Siguri në Bashkësi

5. Propozim për shqyrtimin dhe miratimin e propozim për vendimit Nr.01-410/03-213, të datës 04.03.2019, të Këshillit Komunal për Siguri në Bashkësi

Kryesuesi i Kuvendit z.Naim Pira: Hapim debat rreth këtyre pikave të rendit të ditës. Pasi nuk ka për diskutim, unë po i qes në votim. Nga të gjithë të pranishmit miratohet edhe këto pika të rendit të ditës.

Mbledhja përfundoi me punë në ora 12:00

Procesmbajtësi:
Fatlum Demiri

Kryesuesi i Kuvendit Komunal
Naim Pira
